

第四篇

夫婦

1 詠竹

淑適建甯進士王防，寡居後，
族議改適，因詠竹以見志。

宋黃

淑王防妻

勁直忠臣節，孤高烈女心，
四時同一色，霜雪不能侵。

2 贈內

唐白居易

生爲同室親，死爲同穴塵，
他人尚相勉，

而況我與君，黔婁固窮士，妻賢忘其貧，
冀缺一農夫，妻敬儼如賓，陶潛不營生，
翟氏自爨薪。梁鴻不肯仕，孟光甘布裙，
君雖不讀書，此事耳亦聞，至此千載後，
清操傳何人，人生未死間，不能忘其身，
所須者衣食，不過飽與溫。蔬食足充飢，
何必嘗膏珍，繒絮足禦寒，何必錦繡文，

君家有遺訓，清白貽子孫，我亦貞苦士，
與君新結婚，庶保貧與素，偕老同欣欣。

3 別亡妻墓

天下節烈婦人多，而能盡夫道者轉少，此等詩，足見性情之厚。

清沈德潛

白衣白髮翁，來祭亡妻墓，麥飯澆山泉，
生平此饜飫，汝魄依尊章，眷屬時相聚，
我老方遠行，征軺赴長路，眷焉不忍別，